

DISCURSUS JURIS PUBLICI
DE
STATU IMPERII
ROMANI,

Quem
D. T. O. M.

Ex Decreto & consensu

Magnifici Jctorum ordinis

PRÆSIDE

VIRO

NOBILISSIMO, AMPLISSIMO, CONSULTISSIMO

atq; EXCELLENTISSIMO

DN. JOH. VOLK. *Beßmann* /

J. U. D. famigeratissimo, P. P. Ordinario longè meritis-
simo, Consiliario Saxonico, Facultatis Juridicæ & Sca-
binatus Assessore gravissimo,

*Domino Patrono, Promotore atq; Præceptore suo
omni honoris & observantia cultu
sempiternum colendo*


PUBLICO ERUDITORUM EXAMINI EXHIBET
IOHANN: GEORG: Klein / Nord-
lingensis, Autor.

*Ad diem Septembris
Loco horisq; consuet.*

J E N Æ

Literis SAMUELIS KREBSII,

ANNO 1659.



34



J. N. D. N. I. C.

§. 1.

Romanum Imperium, ut in vulgus notum est ex Historicis, originem suam habet à Romulo, Martis & Rehe Sylvie filio; qui postquam cum fratre Remo jussu Amulii, in arenosa Tiberis ripa expositus, à Faustulo Regis pastore repertus, & ab illius uxore Laurentia (quæ, ut volunt quidam ob vilitatem corporis lupa nuncupata fuit) educatus fuisset, adultus, prius occisio Amulio, & Numitore avo in pristinum statum collocato, in inperpetuam expositionis memoriam eo loco, quo expositus erat, urbem, (quam à suo nomine Romanam appellavit) condidit. Cujus dum frater Remus irridet angustias, idque saltu increpat, prima urbis victima fuit. *Flor. lib. 1. hist. Rom. c. 1.* hoc Imperium quam parvis initio inclusum erat limitibus, tam late & amplè se postmodum extendit; ut nullum ferè majus unquam fuerit, quod etiam attestatur *Entropius hist. Rom. 7.* scribens. *Romano Imperio, neque ab exordio ullum ferè minus, neq; incrementis ullum majus toto orbe vel amplius memoriam humanam recordari posse.* Et qui populi Romani res gestas legunt, non unius populi aut gentis, sed universi ferè generis humani facta enarrari censeant. *Flor. proleg. hist.* Ortum enim & occasum terminos imperii sui posuit. nec hisce fuit contentum limitibus *Tacit. in vit. Agric.* Donec (penè) totum terrarum orbem sibi adjunxit *Imp. Justinian. in Nov. 24. in prefat.*

§. 2. Initio igitur Imperium Romanum Regibus fuit gubernatum Ducentos & quadraginta quatuor per annos:

Cluver. histor. lib. 6. sub Dario Histaspis. p. m. 74. Steid. de quat. sum. Imp. lib. 1. p. m. 45. quorum ultimus Tarquinius superbus (à moribus ita dictus) fuit, qui non tam ob estrenem in Civis licentiam, quam filii Sexti sui uxoris Castæ Lucretiæ violenter illatum stuprum exautoratus, urbe ejiciebatur; Post cujus lapsum, Regiâ potestas ad optimates transire cæpit, plebe omninò exclusa, populoque placuit ex perpetuo annum imperium, ex singulari, duplex constituere, ne potestas solitudine vel mora corrumperetur Cluver. alleg. loc. Ita Romanorum prima Monarchia abiit in paucorum manum ad tempus; Primo enim Duo Consules eligebantur, qui jura Majestatis, omniaque insignia tenuère. Liv. lib. 2. mutato tamen tempore & nomine, quia alternatim fascès habebant; cujus Constitutionis rationem Politicam adducit egregiam Europius lib. 1. hist. Rom. quando dicit: Hinc Consules cepère, pro uno Rege, duo hæc de causa creari, ut si unus malus esse voluisset, alter, Eum, potestatem habens similem, coerceret. Et placuit Imperium non longius quam annum unum habere, ne per diuturnitatem potestatis insolentiores redderentur, sed civiles semper essent, qui se post annum scirent futuros esse privatos. Primi autem Consules in præmium restitutæ libertatis pro Regibus appellati fuerunt Lucius Brutus, & Collatinus, ut consulere se civibus suis debere meminissent Flor. lib. 1. c. 9. Lucius autem Brutus, quam industrius fuerat in profligendis Regibus, & constituenda libertate, tam etiam erat vigilans in eâ conservanda. Is senatum supplevit, Populumque comitiis coactis jurare coëgit, Neminem Romæ regnare passuros; in proditores animadvertit, quod testatur exemplum amborum filiorum suorum, qui cum aliis Adolescentibus Romanis occulta tractantes consilia de restituendis Tarquiniiis, re patefacta, palam capitali supplicio affecti fuerunt.

§ 3. Bruto in duello contra Tarquinius interemto, Valerius, quem sibi in Comitiis Centuriatis collegam creavit, in idem Imperium successerat, adeo ut collegam sibi non adfisceret, sed solus fascibus superbiret, & in summa Velia ædificaret alto atque munito loco, regni affectati suspensionem incurreret, quam ut amoveret, submissis fascibus, populo ad
conci-

concilium vocato in concionem ascendit, Populi, quam Consul Majestatem atque vim, ubique majorem esse dicens; Deinde Legibus latis, primus omnium populare Imperium, Senatoria potestati exitiale inexit. Duo etenim egregia Majestatis jura populo tribuit, provocationem à Magistratibus, atque adeo à Consulibus ipsis, & creationem Magistratum, *Arnif. de Repub. lib. 2. c. 4.* Hinc nullum dubium est quin consulare imperium & senatus auctoritas pessumaverit, quod & conqueritur Appius Claudius; quando consulum minas, non Imperium esse dicit: *Lamp. tract. de Repub. Rom. Germ. part. 2. pag. m. 47.*

§. 4. Per hæc autem non omnia jura Imperiū ad populum transierunt, Patres enim & Magistratus cætera jura illibata semper retinuerunt, nec populus ad creationem Magistratum convenire, nisi jussu Curulium nec de ulla re constituere poterat, nisi in casu quo provocatum esset *Arnif. de Rep. dict. loc.* De bello etiam & fœderibus ad senatum referebatur, nulla habita ratione populi; *Liv. lib. 2.* Populus vero adversus patres tum temporis multa paravit tuendæ libertatis causa, percitatus etiam iracundiæ stimulis ac multis injuriis in sacrum secessit montem & quia res aliter decidi non poterat, plebi concessi sunt Magistratus proprii post secessionem, qui Tribuni pleb. vocabantur, Ab initio autem creabantur quinque, deinde decem, qui plebem contra optimatum potentiam seditiosis concionibus ciere, & ad novi commodi spem & ad nova consilia impellere nunquam destiterunt, donec Patres tribunitiis procellis agitati suum fermè imperium perdididerunt *Lamp. alleg. loc.* Et cum senatus jussa populi, utut nullo jure niterentur, impedire non poterat propter multa incommoda & pericula inde provenientia, metu periculi ad Democratiam flectere Imperium permisit. Et plebeis, jus belli, sacerdotiū & Legum condendarum una lege ad populum concessit. Hinc *M. Manlius dixit: omnia adhuc quantacunque peristis, obrinistis, seu vi, seu fortuna vestra, tempus est etiam majora conari, Numerate saltem quod ipsi sis, quod adversarios habeatis, quos enim clientes circa singulos fuistis Patronos, tot nunc ad-*

versus unum hostem eritis; ostendite modo bellum, habebitis pacem. .
 videant vos paratos ad vim, qui ipsi remittent. *Arnif. cit. loc.* Centu-
 riatas etiam comitiis legem tulerunt, ut quod tributum plebs
 iussisset, populum teneret, quam legem postmodum Horten-
 sius Dictator denuo repetiit, & de novo confirmavit *arg. §. 4.*
Inst. de J. N. G. & C. Non autem prorsus plebeja fuit Respub.
 nec patres in univertum à consiliis publicis abstinuerunt, illo-
 rum etiam potestas & auctoritas sæpius eluxit, nonnunquam au-
 tem plebi prorsus succubuit; quorum exempla per multa in
 venire licet apud Florum & alios autores. Nec potestas plebe-
 ja diu firma stetit, fuit enim Respub: semper variabilis, donec
 tandem exitialis & deterrima extitit Anarchia, & ii plus in Re-
 pub. potuerunt, qui viribus, non qui jure prævalebant *Lamp.*
d. part. 2. de his etiam vid. prolix. Arnif. de Rep. l. 2. c. 4. sect. 3.

§. 5. Cum autem Resp. Rom. tandem variis jactaretur
 procellis, Cæsar Julius Cæsar cum Pompejo & M. Crasso soci-
 etatem inivit, ne quid ageretur in Rep. quod ulli è tribus displic-
 uisset, *Sueton. in Cæs. c. 19.* Pompejus autem præter inveteratam
 consuetudinem, non servato federe consulatum sibi soli attri-
 buere multis conatus est. At Cæsar militaribus artibus & vi-
 ctoriis inclutus, ad opprimendum Pompejum, totum exerci-
 tum convertit, illo devicto, populare genus Civitatis in regi-
 am convertit formam, nec populo quicquam reliquit, quam
 pristinae libertatis imaginem. Remp. suo arbitratu ordinavit,
 sub Dictatoris perpetui nomine ac titulo imperium sibi adro-
 gavit, senatum supplevit, patritios allegit, Prætorum, ædilium
 Quæstorum, minorum etiam Magistratuum numerum ampli-
 avit, nihilque esse dixit Remp. amplius quam appellationem
 sine specie & corpore *Lampad. d. l.* Tandem verò cum à popu-
 lo variis honorum generibus cumulatus, suæ conditionis i-
 gnarus, omne dignitatis fastigium transcendere desideraret,
 ita ut se pro Deo immortali vendicaret, ex mera æmulatione
 in curia tribus & viginti vulneribus confossus obiit. Post cu-
 jus miserabilem discessum Triumviratus institutus, M. Anto-
 nio C. Octavio & M. Lepido deferrebat; verum nec hic status
 diu permansit quietus, Antonius, Brutus, & alii pristinum sta-
cum

tum libertatis armis recuperare studentes, à Cajo Octavio Augusto, qui se potentiz Julianæ hæredem esse sciverat, interempti fuerunt atque debellati. Deinde Augustus extinctis discordiarum civilium fomitibus finem armorum Civilium imposuit, omniaque sub nomine Principis, vocabulo populo gratissimo, gessit, imperiumque nactus est: nec populus unquam post de repetenda Repub. & libertate cogitavit. Nec salvus esse potuit nisi beneficio servitutis. *Flor. l. 4. c. 2.* Mutato igitur statu Reip. Democratico rursus in Monarchicum & absolutum, Cajo Oct: Augustus, devictis Imperii æmulis, quietisque domi omnibus, arma adversus externos vertit, donec pacatis omnibus ad occasum & meridiem Gentibus tandem bellorum certamini finem imposuit, & ubique ferme totius generis humani pax aut pæcio fuit. Ob hæc tot facta ingentia, Cajo Octavio à Senatu populoque Romano, Cæsar Augustus, Pater patriz, & dictator perpetuus fuit appellatus. *Flor. lib. 4. c. 12.* Omnimodam etiam potestatem populus Romanus per Legem Regiam illi concessit *l. 1. §. sed & hoc. C. de V. J. E.* Sub Augusto igitur Imperium Romanum plenè Monarchicum factum, caputque orbis nuncupatum fuit, hæc de Imperio Romano veteri dicta sunt.

§. 7. Sequitur Imperium Romano Germanicum ita vocatum, quia à Carolo M. natione & sanguine Germano, partim jure belli, partim autoritate Senatus Populique Romani, partim etiam Imperatorum Orientalium consensu acquisitum & ad Germanos translatum fuit. Non autem ut quidam volunt primum ad Græcos, à Græcis ad Gallos, à Gallis ad Italos, & postmodum ab Italis ad Germanos, de quibus *Limneri Jur. p. L. 1. c. 3. ita dicit, qui Imperium tradunt à Græcis ad Gallos, à Gallis ad Germanos translatum; inepte illi ac nimium delirant, cum enim translationem concedant in personam Caroli M. concedant illi simul. necesse est illam factam esse in Germanos, quia Germanus ille fuit, nativitate, prosapia, moribus & lingua; hæc ille: & imò nostri etiam Imperatores Carolum M. nominant Ihren Vorfahren am Reichs: Recess. Imp. August. de an. 1530. §. Die weisen auch die Bildnüss etc. Hinc etiam patet, Carolum M. Imperium Occidentale,*

rale, non iussu auctoritate & confirmatione Pontificis Romani ad Germanos transtulisse, quod frustra contendit Bellarus quem refutatum vid. à Carpzov. in *Lege Reg. cap. 2. sect. 2.* Hic etiam disceptatur inter nonnullos de nostro Imperio, an rectè adhuc hodie vocetur Romanum quod nos affirmamus; quia 1. fuit ad Carolum Magn. translatum; & hucusque continuatum: Deinde etiam Imperator se vocat Romanum, ut patet ex omnibus diplomatis, Recessib. Imperii Instrumento pacis &c. Non obstat quod nostri Imperatores Romam hodie non habeant, & sic amissa Roma capite Imperii, Imperium Romanum dici non possit. Reip. enim licet hodie Imperator actu Romam non habeat vel possideat, tamen jus adhuc illi in urbem Romam salvum manet, Pontifex enim illam tantum de facto detinet, & titulo donationis sibi concessam venditat, quæ tamen nunquam facta fuit; Hinc Imperator Fridericus II. Pontifici rescripsit: *Italia hereditas mea est, & hoc notum est toti orbi, Goldast. tom. 3. Const. Imp.* merito igitur Imperatori jus suum in urbem Romam super est. Cæterum, ut unius cujusque Reip. rectæ finis est salus ac tranquillitas, ita & hujus nostræ; quam bonus Princeps, quoad ejus fieri potest, promovere tenetur, salus enim populi suprema lex esto, inquit Cicero 1. off. sicut igitur medico sanitas, Imperatori victoria, sic moderatori Reipublicæ beata civium vita proposita esse debet, quippe qui salutem Reipub. tueri l. 3. in pr. ff. de præf. vigil. & bonum publicum privato præponere debet. c. unic. in pr. 2. Fend. 52.

§. 8. De forma Imperii Romano Germanici sive de statu hodierno, acriter litigant Publicistæ, & Linnaeus Sabbathinam quæstionem (quæ, Raphaël Fulgos. Interprete, die Sabbathi tractanda, h. e. religiose & circumspicte, cum in utramque partem aliquid dici possit.) & vere Magistralem illam esse dicit: l. 1. c. 10. Quidam enim, simplicem illum esse contendunt, & quidem tantum Monarchicum, Quidam tantum Aristocraticum: quidam vero ex hisce duobus simplicibus mixtum asserunt. Qui pro pure Monarchico concludunt, pro sua sententia stabilicnda has supponunt rationes, 1. quia jura Maje-

Majestatis penes unum & solum Imperatorem resident. 2. quia omnes Reges, ac populi hodie Imperatorem Monarcham salutant ac honorant; 3. quia Imperatori signa externa Monarchica tribuuntur, ut sceptrum, regale solium, corona, pallium Regale, pomum orbis figuram representans &c. 4. quia Imperator omnibus & singulis civibus Imperii ex Casarea potestate imperat, & quidem sub pœna *R. J. de an. 1521.* & quæ sunt alia. Alii, qui pro Aristocratico pugnant has adferunt rationes. 1. quia Elector Moguntinus expresse dicit; animi fortitudinem Gallo tribuunt, sed ad Monarchiam illa spectat, nobis autem imprimis retinenda est Aristocratia *Sleid. lib. 1. de stat. relig.* 2. quia Imperator noster tenetur Legibus Imperii, quas jure jurando se servaturum promittit; 3. Imperator solus abs Electorum atque statuum Imperii consensu ea, quæ Monarchæ sunt, facere non potest, utpote, leges universales condere. &c. Deniq; alii mixtum esse volunt, ut *Limnæus lib. 1. c. 10. Arniseus lib. 2. c. 6. Schönbor. l. 1. c. 16. Liebenthal. colleg. Pol. exercit. 8. quæst. 1.* & alii: ex Monarchia & Aristocratia, Et inter hos nova oritur quæstio, an nimirum Aristocratia an Monarchia præponderet? Et quidem Limnæus & Arniseus pro Aristocratia rationes adferunt seqq. 1. fuit etiam supra pro Aristocratia adducta; quod Elector Moguntinus dicat, nobis imprimis retinendam esse Aristocratiam; quodque ex parte confirmat Mauritius Elector apud *Sleid. l. 24.* Dum Carolum V. Imperatorem inculcat, quasi ipse aliquot per annos totus in eo fuerit, quo Monarcha, suppressis Principibus Germaniæ, evaderet. 2. quia status imperii cumulativè, non privativè aut abdicative jus suum in Imperatorem conferunt. 3. quod secundum ordines Imperii apud Imperatorem suprema & libera potestas non resideat, neque is jura majestatis solus habeat, nec exerceri possit sine Procerum consensu. 4. quia Imperator tantum sit Administrator Imperii &c. Schönborner. & Liebentha vero cum aliis Monarchiam prædominari contendunt; 1. quia nostrum Imperium sit ultima & suprema Monarchia ex 4. summis à Daniele enumeratis Imperiis. 2. quia status nostri sint Vasalli Imperatoris, & investituram accipiant ab illo.

3. quia status possint conveniri coram iudicio Aulico, quod pertinet ad solum Imperatorem; 4. quia status Imperatoridebent rationes reddere R. J. *Spirens. de an. 1529. §. und seiner Maj. gedenkt zu verantworten.* 5. quod Imperator creet Duces &c. sed nullus Dux possit creare Ducem. 6. Imperator licet consensum Electorum adhibeat, v. e. in bello gerendo, attamen ille solus bellum indicit, quod est præminentie signum: &c. Verum neutra sententia absolute & generaliter nobis placeat, Sed Distingvimus cum *Nobiliss. Domini præside in præd. coll. Jurispub.* inter causas in Comitibus tractandas vel extra Comitibus, in illis tantum juris status habent quantum Imperator, cum habeant vota à nemine prorsus nisi à Deo dependentia, si vero causæ sunt extra comitia, subdistingvimus, aut enim sunt limites positi, & in capitulatione præscripti, aut non: in illis causis prædominantur præscribentes status, in his Imperator, & sic modo præponderat Monarchia, modo Aristocratia:

§. 7. Præterea Hæc Imperii Romano Germanici imago scite appellatur das Heilige Römische Reich teutscher nation, R. J. *Ratisp. de an. 1541.* Constans capite & membris, Caput est Imperator. qui ratione dignitatis & autoritatis omnes Reges tam Christiani orbis, quam infidelium præcedit, ad hujus autem Majestatis & dignitatis fastigium non jure successionis pervenit, sed suffragio Electorum unanimi eligitur, & propterea, quia successioni hodie nullus locus relictus est, *Limn. jurepub. l. 2. c. 3.* an autem expediat nostro Imperio electio an successio? Disputatur, Nos electionem dicimus Imperio nostro magis expedire, 1. quia ut ipse *Philosophus dicit 3. Ethic. 3.* electio melior est successione; Deinde etiam Germani, natura impellente sunt libertatis studiosi; quæ per Electionem conservatur. Denique potest sic eligi Imperator, qui debet regnare juxta normam capitulationis, ut conserventur jura statuum &c. Non obstat, quod successio multa habeat commoda, Resp. enim hoc non esse universale, habet enim etiam incommoda quam plurima, quod pater ex observantia, Et hoc non postremum obtinet locum, quod admissa in regnis successionem,

cessione, libertas populi non periclitetur tantum, sed ut plurimum si non uno iſtu, attamen pedetentim & ſucceſſive tollitur, quod contra in Electione timendum non eſt; Electioni autem locus eſt, quando eligendi Imperatoris neceſſitas urget *A. B. t. 1. in pr.* Hic etiam quaeritur an ab Electoribus poſſit eligi in Imperatorem Romanum qui non ſit Germanus? quod Negatur, Imperium enim Romanum & active & paſſive ad Germanos translatum fuit, hinc peregrini ad hanc dignitatem Imperatoriam admitti non poſſunt, quod etiam vult ſanctio Ottinis I. qui non alium niſi Germanum in Imperatorem eligi poſſe expreſſe decrevit, & Proteſtantes etiam concludunt hiſce formalibus in literis ſuis apud *Steid. l. 3. de ſtat. relig.* Nullus creetur Romanorum Rex, quin ſit ex aliqua Germaniae Principum familia progenitus: In memoriam tamen priſtinae translationis facta in Gallos, concurrere poſſe Gallum cum Germano & in Imperatorem eligi, quidam aſſerunt, Verum hiſ Reſp. partim ex ſupra diſtis §. 5. partim ex verbis Moguntini Electoris *ap. Steid. l. 1. de ſtat. relig. p. m. 47. quae ſi aſe habent.* Ad Gallum quod attinet, legibus noſtris & iurejurando nos arbitror impediri; quibus tantum eſt, ne decius hoc Imperii transferatur ad exteros: quin autem peregrinus ille ſit Princeps nulli dubium eſſe puto, hæc ille. Germanus autem eſt & dicitur ille, qui ex patre ſive avo Germano natus eſt, etiamſi ſit extra Germaniam, nativitatſ enim non adeò habetur ratio, ſed potius ſanguinis. *Nob. Dn. præſes in præ alleg. colleg. Jurispub. l. 2. c. 3. verb. Germanus.*

§. 8. Quando autem quis eligitur in Imperatorem Rom: ſecundum formulam Electoribus præſcriptam, ſtatim ex ſola electione eſt verus Imperator nominandus & cenſendus, ut habet conſtitutio Ludovici Bavari ab Aventino in *Annal. lib. 8. relata;* verb. atq; Imperatorem ex ſola Electione eorum, ad quos pertinet verum effici Imperatorem, nec alicujus egere confirmatione, ſeu approbatione &c. Cui 1. commendatur & committitur Imperium, certis tamen conditionibus in capitulatione præſcriptis. 2. Univerſis & ſingulis Principibus, Electoribus Eccleſiaſticis, & ſecularibus, qui propinquiora membra ſacri

Imperii esse noscuntur, omnia illorum privilegia, literas, jura, libertates, concessionem, antiquas consuetudines, dignitates, & quicquid ipsi ab Imperio usque in diem electionis suæ obtinuerunt & possiderunt absque dilatione & contradictione confirmare & approbare tenetur. *A. B. c. 2. §. 7.* Sola itaque Electio ad Imperatoris substantiam pertinet, reliqua vero ut coronatio, in unctio consecratio &c. Sunt tantum accidentia, & ad solennitatem spectant; de quibus late *Limn. 7. p. 1. 2. c. 4.* adeoque Imperator absque coronatione Papæ sola electione consequitur, Atque hinc Maximilianus I. In Imperatorem electus, Coronam Imperialem à Romano Pontifice accipere non necessarium sibi videri rectè dixit, cum jam Imperii majestatem ab Electione & ordinibus Imperii acceperit; Itaque post legitimam Electionem Imperatoris, illi proponitur capitulatio quam observare tenetur, & vi juramenti ad illam observandam astringitur ut ex ipsis apparet capitulationibus & quidem Ferdinandi III. *art. ult.* An autem hæc capitulatio detrahat Majestati Imperatoriæ, disputant inter se Auctores; Quidam hoc affirmant: 1. quia per illam Majestatis jura restringantur, v. c. potestas foederum, jus belli, jus universales Leges condendi. &c. 2. quia ita non sit solutus Legibus fundamentalibus. 3. quia capitulatio futuro Imperatori præscribatur ut Lex, quam soli status per se condunt: Contra vero alii negant, 1. quod, licet arctius reddatur Imperatoris Imperium, attamen non detrahat ipsi summitati, sed saltem plenitudini potestatis, 2. quod capitulatio præscripta sit saltem ex lege conventionis, & ex libera voluntate, ut patet ex capitulatione Ferdinandi III. *in pr. ibi* auffs fretem genedigen Willen & sic obliget tantum propter fidem beneplaciti; 3. quod capitulatio propriè non sit Lex, cum lex in Imperio fiat ab Imperatore & statibus simul, hæc autem tantum à statibus. Verum hæc sententiæ videntur distinctione quadam conciliari posse; si nimirum distinguamus inter majestatem in sensu Aristotelico acceptam, & inter Majestatem secundum usum hodiernum Imperii Romani acceptam; Si priori modò accipitur Majestas, uti etiam affirmantes videntur sumere, tunc detra-

hat

hit ipsi capitulatio, cum Majestas h. m. non sit absolute summa; sin posteriori modo uti negantes, Majestatem non minuit, cum ea saltim sit summa in ordine ad Remp.

§ 9. Habet autem hæc Majestas duplicia jura; Communicabilia, quæ videlicet etiam communicantur aliis statibus Imperii; & incommunicabilia, quæ reservantur Imperatoris dicuntur: *Keyserliche besondere Hoheiten und reservaten*, R. 7. *Ratisp. de ap. 1576.* Et Talia sunt 1. jus primariorum precum, cujus vigore in Imperio unam ad beneficium Ecclesiasticum personam præsentandi habet facultatem, non autem concessione Pontificis Romani, ut quidam volunt, sed ex jure & approbata consuetudine, ut patet ex rescripto de primariis precibus Caroli IV. quod refert *Johan. Limnau l. 2. c. 9.* Imperator habet jure & approbata consuetudine, à Divis Romanorum Imperatoribus & Regibus prædecessoribus hæcenus observata, potestatem, ex coronationis sue solemnibus ad Romanorum Regnum impletionem, in quolibet monasterio in Imperio constituto, unam tantum, virtute primariarum precum, ad beneficium ecclesiasticum promovendi personam: forte ut sic consuleret Veteranis & senio confectis suis ministris & officialibus, quo in Monasterium reciperentur, ibique alimenta acciperent; *Nob. Dn. præf. in dictat juris pub. vid. VVehnerus in observat. præf. verb. panis brieif.* quid autem juris adhuc hodie supersit Imperatori ratione primariorum precum, videri potest ex *Instrumento pacis Osnabrug: art. 5. §. 5.* 2. jus creandi Reges, Principes, Duces, Marchiones, Comites, Equites, Nobiles, Comites Palatinos, &c. Sic Henricus IV. Uladislau anno 1608. Regem Bohemiæ creasse, innuitur *ap. Goldast. constit. Imp. Tom. 2.* Otto II. Poloniæ Ducem Boleslau, Regem Poloniæ creavit, &c. reliquorum exempla afferre superfluum erit, cum observantia id ostendat & doceat. Sicut autem Imperator potestatem habet hos gradus conferendi, ita illos iterum exauctorandi; quam tamen exauctorationem hodiè cum consensu statuum fieri debere, capitulatio *Ferdinandi III. art. 30.* satis ostendit 3. jus investituræ, & collationem feudorum principalium, & illorum, quæ *fahnslehen* vulgariter appellantur, concedendi. *A. B. c. 5. §. 4.*

Jus Academiæ confirmandi; si recte Academia dicitur auditorium publicum, principale, siue imperiale *l. unio. C. de Stud. lib. urb. Rom.* Quod jus insequitur potestas conferendi gradus, & creandi Doctores, Licentiatos, Magistros &c. in singulis facultatibus- 5. Jus condendæ civitatis, quod vocatur *Statt Recht*; & tale concessit Imperator Ludovicus in specie Gerharδο Episcopo spirensi & aliis; quod si vero quis absque hac concessione Imperatoris civitatem extruere & constituere attentaverit, ea nec jura, nec nomen civitatis habebit; non tantum autem hoc concedit jus, sed etiam splendidis exornat civitates privilegiis, quale est inter alia multa jus stapularum, de quo in *Capitul. Leopoldi, art. 21.* quod à stabulo ita dictum volunt, quod nimirum merces ibi stabulari debeant, & significat communiter forum publicum in urbe quadam designatum, quo Principis autoritate, vina, frumenta, aliæque merces exoticæ vendendi causa convehuntur, & tales in Imperio civitates sunt; ad Danubium Ingolstadtum, Ratispona, & Passavia, Ad Albim Magdeburgum & Hamburgum, ad Rhenum Colonia Agrippina, Moguntia & Spira, ad Visurgim unica Bremensis. 6. Jus instituendi cursus publicos, quos vocamus postas, iisque Præfectos, Postmeister / & ministros, postilion; & hæ dicuntur *Reisferttheilche Posten* / quæ ad solum Imperatorem spectant; Hinc cum anno 1579. Dux quidam Germaniæ tales generales postas per Belgium & Italiam instituere pararet, illi severè à Cæsare fuit interdictum; sunt & aliæ postæ, quæ *Landposten* dicuntur, quas quilibet Princeps in suo territorio habere potest. 7. Jus legitimandi liberòs naturales; quod etiam alii per concessionem Imperatoris obtinent, nempe Comites Palatini; Archiduces Austriæ, Duces Mediolanenses, ut & Vicarii Imperii. Denique jus famam restituendi; & alia. de quibus prolixè *Limneus. d. l.* & alii:

§ 10. Sequuntur modi, quibus Imperator esse definit; nempe quando sponte Imperio renunciat; vel propter ingravescentem ætatem; vel imbecillitatem perpetuam corporis & quæ sunt aliæ causæ renunciationis, quæ quidem nullis legibus publicis sunt expressæ, attamen hoc licere Imperatoribus,

ribus, Diocletiani Maximini, Herculei, Lotharii I. & Caroli V. exempla satis ostendunt; hæc vero renunciatio fieri debet cum consensu Electorum, non etiam præcisè statuum, quia ad Electores solos pertinet electio, ideo ipsis solis renunciatio est indicanda ab Imperatore, non etiam fieri debet in manus Pontificis, ut quidam volunt, quod aperte ex Caroli V. renunciatione constat, quæ in manus Electorum facta fuit, qui actus ab illis approbatus, vim legis obtinet, ita, ut sequentibus Imperatoribus Romanis volentibus renunciare Imperio, hoc in manus Electorum facere per inde permissum sit, ac si aliqua constitutum esset Imperii constitutione. *Matth. Steph. de jurisdict. l. 2. part. 1. c. 1. 2.* Imperator esse desinit ut volunt quidam publicistæ, quando ob gravissimas causas & transgressiones deponitur, quæ itidem causæ nulla lege Imperiali expressè sancitæ sunt; hinc adhuc inter Publ. disputatur an possit deponi, Imperator? & illi qui negant opponunt hæc. 1. quod nullibi in A. B. Electoribus data sit potestas illa deponendi Imperatorem. 2. quia in Capitulationibus hoc jus sibi non reservarunt Electores. E. illud etiam non habeant, & quod ipse Imperator hac limitatione & restrictione non juraverit, quasi non servato juramento posset deponi; quorum quidem decisio difficilis est; sed ita existimamus quando Imperator omnia tentat & molitur, ut status publicus & libertas Germanica prorsus & in solidum infringatur & opprimatur, quod sic ipso jure desinat esse Imperator, cui deinde saltim accedit declaratoria sententia electorum, quod talis etiam debeat haberi ab aliis. *Nob. Dn. Praeses in d. coll. Jurisp. lib. 2. c. 1. §. 1.* Unde etiam Moguntius in oratione quadam Heinrichum Imperatorem ita alloquitur, quem merito investivimus, cur immeritum non deestiamus. Hic Pontifex rursus conatur sibi attribuire hanc depositionis potestatem, verum ridiculè, quod patet ex illorum invictissimo argumento apud Limn: extante: quod se ita habet: Imperator non potest negare, se Christo subesse: E. nec negare potest se subesse Pontifici, Christi enim & Papæ idem est tribunal, cum hic sit vicarius ejusdem in terris, & quasi alter Deus, de quo argumento per multa prolata.

prolata esse scripta, quæ in sacco caruleo in Bibliotheca Vaticana asservari dicit idem Limn. qui etiam responsionis loco id reponit; quod quondam Philippus pulcher Francorum Rex Bonifacio se gerenti profuso Pontifice; qui ad Pontificem ita scripsit, *salutem modicam sive nullam, sciat tua fatuitas maxima nos in temporalibus nemini subesse, sciat credentes, factos reputamus & dementes*, quam egregius autem vicarius Christi sit, & Christo in vicariatu conveniat, ex sequentibus à Petro Asylo in Tyrann. Antichrist. adductis patet:

Christus regna fugit, sed vi Papa subjugat illa.

Spinosam Christus, triplicem gerit ille coronam.

Abluit ille pedes, Reges huic oscula præbens.

Vestigal solvit, sed clerum hic eximis omnem.

Pavit oves Christus, luxum hic sectatur inertem.

Pauper erat Christus, petiit hic regna omnia mundi.

Bajulat ille Crucem, hic servis portatur avaris.

Spernit Christus opes, auri hic ardore tabescit.

Vendentes pepulit templo, quos suscipit ille.

Pace venit Christus, venit hic radiantibus armis.

Christus mansuetus venit, venit ille superbis.

Quas Leges dedit hic, Præsul dissolvit iniquus.

Ascendit Christus, descendet ad infera Præsul.

§. II. Cæterum vivo adhuc Imperatore, unanimi Electorum suffragio Cæsarisque assensu (si autem causæ prægnantes & valde necessariæ invito Imperatore) successor adungi potest, per capit. Ferd. III. art. 38. qui Rex Romanorum vocatur, ubi quæritur an de illo Rege Romanorum aliquid in A. B. sit dispositum: quod omnino affirmatur cum Nob. Dn. Præsid. in sup. cit. Colleg. & hoc etiam confirmat generalis textus in A. B. Tit. 1. quotiescunque & quodocunque necessitas futuris temporibus emerferit &c. 2. hoc etiam patet exemplis; Wenceslaus enim Caroli VI. filius fuit vivo patre electus in Regem Romanorum, quod etiam hætenus multoties factum esse constat, ex serie Imperatorum. Ab hac nostra sententia alienus est Dn. Limneus, qui dicit 1. quod omnia quæ ibi in A. B. de Rege Romanorum habentur, debeant intelligi de ipso

Ipso Imperatore. 2. quod in *A. B. Tit. 4. §. 2.* expresse habetur, quotiescunq; & quodocunq; sacrum vacare contingit Imperium, quod de adiutore Imperatoris dici nequeat. 3. quod verba illa quotiescunq; & quodocunq; necessitas emergit debeant subintelligi sc. vacante Imperio: Verum his respondetur 1. quod contextus hoc non probet, & ratio illa principium petat, cum adhuc de illo disputetur. ad 2. R. quod illa debeant intelligi de modo ordinario eligendi Imperatorem, quod etiam in *A. B. Tit. 1.* continetur, unà cum modo extraordinario, in dict. verbis, quotiescunque & quodocunque necessitas emergit, v. c. quando Imperatori vel propter ætatem, vel propter corporis inhabilitatem, vel propter molem negotiorum coadjutor datur. Tertiæ rationi respondet ipsa observantia hodierna, quæ scitè hunc *sit. 1. A. B.* interpretatur; cum sæpissimè tales Reges Rom. electi fuerint. Hinc etiam legitimis de causis Electus Rex Romanorum fit 1. perpetuus Imperii Vicarius. 2; Imperatori mortuo idem indubitè in Imperio succedit R. J. August. de an. 1559. 3. Dicitur etiam caput Imperii Romani; Verum non ordinarium sed tantum vicarium. 4. Absente Imperatore Imperium regit & iura Imperatoria exercet: & quæ sunt alia Regi Rom. competentia an autem ea quæ in Imperio peragit propria & independenti prorsus potestate faciat; an vero ex concessione Imperatoris, controvertitur; Nos prius negam9, propter expressum textum in *Capitulatione Ferdinandi III. art. 49. §. 5.* und so viel uns des von Keyß. Maj. vergönnet oder zu gelassen wird. Non obstat quod sæpius in R. J. dicatur astat und im Nahmen Ihrer Keyß. Maj. und für uns selbst. R. hæc verba non sunt alternativè sed conjunctim accipienda; quod scilicet hæc agat ex potestate Imperatoria, deinde etiam verba für uns selbstem indicant quidem duas personas, sed non duplicem ordinariam potestatem, imo sæpe etiam hæc verba omittuntur in R. R. J. J. Non obstat. 2. quod Regi Rom. competat titulus Majestatis R. J. de an. 1548. in pr. subscript. ibi Kön. Königlichcr Majestät kämmerer. R. titulus ille Majestatis hic tribuitur illi in sensu populari tanquam Regi, sicut etiam aliis est familiaris Regibus; 3. non obstat,

quod ille à jurisdictione Imperatoris sit exemptus, & quod debeat convenire coram Comite Palatino Electore; & hoc nondum satis evidētum est hactenus, quicquid sit, nihil tamen probaret hoc, cum à foro eodem ad eandem jurisdictionem non liceat argumentari. *Nob. Dn. Præsides in Jurisprud. pub. lib. 2. c. 1. §. 10.* Denique etiam nonnullæ constituuntur differentia inter Imperatorem & Regem Romanorum, 1. quod Imperator in suo insigni habeat aquilam bicipitem per *R. J. de an. 1559. §. 10.* ut aber vorgestellte sorten: ibi mit zweyen Köpfen; & Rex Romanorum habet aquilam unicipitem, ratio autem hujus differentie solida assignari vix potest, imprimis de aquila bicipiti. Quidam putant hoc fluere ex divisione orientis & occidentis, quidam, quod hoc sit saltem insigne voluntatis, quare autem Rex Romanorum unicipitem habeat aquilam, expeditior forsitan erit ratio, scil. quo facilius possit dignosci per utriusque sigillum, an literæ sint Imperatoris an Regis Romanorum. Deinde Imperator tribuit Regi Romæ titulum *seiner stebden*. Rex vero Imperatori Romano adscribit Majestatem *R. J. spirens. de an. 1544.* Tandem Imperator utitur bullâ aliqua, Rex vero Romanus: saltem sigillo, *Carpzov. de Leg. Reg. cap. 11. sect. 1.*

§. 12. Supra diximus Imperium nostrum constare capite & membris; hactenus autem de capite, sequuntur nunc membra, quæ dicuntur status Imperii; ut Electores Principes Comites, Civitates &c. *Als daß Reichs einverleibte glieder R. J. de an 1541. in pr.* quæ à capite rite dispensantur, veluti magni corporis invicem artus, de quibus nunc ordine dicamus. Dicitur autem hic pro subjectâ materia vox status, omni remota æqui vocatione à stando daß er ein *Stellum* und *Stand* in den *reichs versamlungen* hat *R. J. de an. 1590.* seu quod in illis ceteris membris i. e. basibus & columnis stet & subsistat Imperium. Et definitur, quod sit immediatus Imperii civis, in matriculata Imperii, Cæsaris ac communi procerum consensu inscriptus, ut Cæsari in Comitibus de utilitate Imperii proponenti, consilio, suffragio, & auxilio assistat. quam definitionem nunc ordine ponderabimus: dicitur autem 1. civis immediatus æqui
nemi-

neminem nisi solum Imperatorem & Cameram Imperialem ob concurrentem jurisdictionem superiorem agnoscit, quo excluditur Landsassus, & ii, qui alterius Principis jurisdictioni sunt subiecti; ubi notandum quod quidam sunt immediate imperio subiecti, & tamen status non sunt; *R. 7. de an. 1546. §. und wessen wir; ibi gegen denen so nicht Stände des Reichs / ledoch denn Reich immediate unterworfen &c.* quales sunt Dux Lichuaniz, Transylvaniz &c. 2. dicitur in matriculam Imperii, consensu Imperatoris & statuum inscriptus, Est autem, matricula Imperii catalogus in quo statuum Imperii nomina solenniter relata continentur; & conservatur illa apud electorem Moguntinum Imperii Archicancellarium; Extant autem variz matriculæ veteres & novæ, & quia olim hac de re disputatum fuit, cum quidam provocarent adveteres, quidam ad novas; ideo valde laborarunt status nostri certam conficere matriculam, quod tamen plenariè nondum fuit factum, ut patet ex *altis Responsis Comit. de an. 1603.* Prævalet autem hodie illa, quæ anno 1521. Wormatiz fuit conscripta, & consensu Imperatoris & statuum recepta & approbata *R. 7. de an. 1594. §. wen lauch &c.* secundum quam etiam in Camera Imperiali judicandum est *Const. Imp. de an. 1576. §. und wen auch &c.* Hic etiam controversi solet, an sola matricula plenè probeat statum Imperii Romani, quod quidam negant, quidam autem affirmant. Verum nobis neutra sententia absolute placet, sed distingvimus inter statum latè & generaliter acceptum, & inter statum in sensu strictiori & speciali acceptum; priori modo dicimus, quod omnis ille sit status, qui in matricula hodie invenitur, & ab aliis pro tali habetur: posteriori autem modo, nullus est status Imperii, qui non etiam habet votum & sessionem in comitiis. Ex quibus in simul patescit, quid sentiendum de Rege Bohemiz; an nimirum ille sit status; quod utique concedi potest si vox status in sensu accipiatur lato, non autem si secus; cum nullum habeat votum & sessionem in Comitiis, non obstante etiam illo, quod vocetur ad Electionem novi Regis Romanorum. Deinde in matriculam aliquis referri debet probationis ergo, quæ dignitas ipso defuncto, in hæredes quoque vigore

primæ receptionis transit *Lim. l. 1. §. p. c. 7. n. 20.* Tandem
& ultimo dicitur in definitone, in comitiis consilio; suffragio
& auxilio Imperatori assistat; cujus causa assumuntur, ut nimi-
rum in parte sollicitudinis ac consultationis pro impe-
rii utilitate, tanquam pars corporis imperialis consilio & vo-
to, non solum consultivo sed etiam decisivo Imperio Romano
Germ adsint *R. J. de an. 1548. §. wo aber lemand.*

§. 12. Si quis igitur pro statu Imperii velit reputari,
necesse est, ut 1. nomen ejus in matriculâ Imperii extet. *R. J.
August. de an. 1548. §. nach dem auch ehlische* 2. ut vocetur ad
Imperii comitia ibique votum & sessionem habeat; energia e-
nim ordinarium adquirendi jus Imperii, consistit in partici-
patione suffragiorum, ut cum Imperatore, cæteris statibus &
ordinibus Imperii de utilitate imperii decernat *Paurmeist. de
jurisd. lib. 1. c. 6. n. 3.* 3. ut neminem nisi Imperium & Impera-
torem superiorem agnoscat, sitque immediate Imperio subje-
ctus. 4. ut citatus ad Cameram Imperialem in prima instan-
tia ibi compareat, ac ut reus jus judiciumque in se suscipiat
Matth. Steph. de jurisd. lib. 2. p. 1. c. 4. illi enim tantum, qui
immediate Imperio sunt subjecti adeoque Imperii status in ca-
mera conveniri possunt in prima instantia, aut etiam coram
Deputatis, vigore *ordinationis Imper. part. 2. tit. 1. 2. & 3.* His
quidam addunt 5. ut territorium & bona immediata ab Im-
peratore possideat, quod, an præcisè necessarium sit, quidam
dubitant; Nos distinguimus inter statum constitutum & con-
stituendum, & ad constitutum præcisè necessaria non esse bona
immediata dicimus; quod confirmari potest exemplo Episco-
pi Verodunensis, qui à Rege Gallie omnibus bonis immédia-
tis spoliatus est, & tamen in Comitibus novissimis Ratisponen-
sibus votum & sessionem suam obtinuit; ad constituendum au-
tem statum necessario requiri bona immediata, patet ex nu-
peris actis Ratisponensibus, ubi inter condiciones à quibus-
dam Comitibus implendas, etiam hæc fuit præscripta, ut
bona immediata dignitati Principis adæquata possideant, &
ita demum admittantur ad sessionem & Votum in Comitibus, de
quibus *R. J. de an. 1641. §. und demnach wir &c.* hoc etiam non
sine

*sine gravi ratione in capitulatione Ferdinandi IV. art. 45. fuit constitutum. Tandem 6. addunt, ut certi quid Imperio occurrente necessitate pensitet, quod etiam necessario non requiri quidam dicunt, cum tantum hæc symbola & qualitates statuum Imperii sint, nec perpetuo & in separabiles, & plurimos status Imperii ab his collectis immunes esse ut Austriam, Sabaudiam &c. *Limn. J.p. lib. 1. c. 7. n. 97.* tradit quosdam vero solvere collectas, at tamen voluntarias ut vocant, nec tamen esse status Imperii, ut Nobiles immediatos, de quibus alibi.*

§. 13. Porro dividuntur status 1. Ratione territoriorum; per certos tractus sive imperii plagas in Decem Circulos *R. 7. de an. 1512. §. darauff* quorum primus est Austriacus. 2. Bavaricus. 3. suevicus. 4. Franconicus. 5. Rhenensis superior. 6. Electoralis i. e. quatuor Electorum ad Rhenum. 7. Burgundicus. 8. Westphalicus. 9. Saxonicus superior. 10. Saxonicus inferior. *R. 7. de an. 1542.* Qui ordine singulis annis semel, vel etiam sapius, si necessitas id postulat, conveniunt, & de monetis probandis vel reprobandis, contributionibus, præsentatione Assessorum Cameræ &c. deliberant; vel maximè, quo melius paci publicæ consulere, ac quo leges Imperii, latæque sententiæ facilius executioni demandari possint *Lim. 7. P. d. l.* Si vero in Comitibus circulariter aliquid, deliberandum concluditur, hi tantum in sex circulos contrahuntur, *Ordin. Camer. 30. Eosant de an. 1507.* eligunt autem Circenses sibi Duces: einen Krefß Obersten/ cui certi officiales & assessores adjunguntur, quo securitati circuli & circensium invigilent; Deinde ordinant Duos Principes, *zwey aneschreibende Fürsten* qui conventus indicunt per literas, quorum alter Ecclesiasticus, alter secularis esse solet; habent quoque jus Archivi & alia jura vid. *Lat. Limn. alleg. lqc.* hic insimul quæritur, an omnes illi, qui in Circulos fuerunt redacti, eorumve Archivis inscripti statibus Imperii annumerari debeant, quod quidam affirmant. Verum negativa verior est sententiâ, quoniam descriptio illa magis respicit Principatus, Comitatus & Districtum certum, quam ipsos status & personæ dignitatem, siquidem etiam possessores Comitatum & Dynastiærum quan-

Adque huic matriculæ inseruntur, quo debito modo & tempore collectam impostam circulaient persolvant. 2. ratione Personarum in tres classes, ut 1. Electores. 2. Principes quibus annumerantur Comites Barones; Abbates atque prelati, quidam etiam addere volunt Nobiles immediatos, quod illi etiam sint status si conjunctim sumantur, jura feuda regalia ab Imperatore recognoscant, & in album seu matriculam Imperii sint inscripti; Verum frustra hoc addunt; cum status nostri in conventu Francofurtensi de an. 1631. expressè negent illos esse status, verb. die freye Ritterschafft in Francken ob sie gleich nicht Reichs Stände &c. quæ verba sunt apertissima, deinde nunquam vocantur ad Comitiam nec in illis sessionem & votum obtinent, quod ex observantiâ patet. Terriam in classem referuntur Civitates Liberae Imperiales: de quibus classibus nunc paucis nobis agendum erit.

§. 14. Et quidem primo De Electoribus, quibus tanquam principalibus membris Imperii ac columnis inter status primus debetur locus; de quorum origine statim controversitur: & variae variorum sunt sententiæ, communis autem fere opinio; illustrissimum hoc collegium Othonem III. (quem ob singularem ingenii præstantiam celeberrimum, & vulgari nomine mirabilia mundi vocarunt;) cum Gregorio V. Pontifice instituisse; in quam sententiâ permultos historicos & decreta Pontificum adducunt; Verum illa apertè refutatur ex verbis Urspergensis qui scribit Principes Alemanniæ (inter quos numerat Ducem Austriæ, Ducem Baviaræ, Landgravium Thuringiæ &c.) Fridericum II. elegisse primum. alii originem illorum ascribunt Friderico I. verum nihil certi allegari potuit aut demonstrari, ab initio quidem Principes eligebant omnes, sed post Fridericum II. capit Electio ad pauciores restringi, alii aliter sentiunt, quos refert Petr. Heig. part. 2. quæst. 3. Nos cum Nobiliss. Dn. Præs. de sep. alleg. coll. existimamus, hoc collegium cepisse tempore interregni, nempe post Fridericum II. & electores hoc jus sibi tanquam potentiores vel adrogasse vel ab aliis statibus sponte illis delatum fuisse, ita ut in consuetudinem versum fuerit; Et hinc forsitan est quod

in A. B. dicitur hoc competere Electoribus ex longa consuetudine, ut c. 1. in pr. cap. 4. §. 3. cap. 9. sub fin. & alibi. Thuanus etiam 2. Hist. scribit ante aetatem Friderici II. septemvirorum non meminisse historicos: vid. etiam Lampad. de Rep. Rom. Germ. part. 3. c. 4. fuerunt autem olim septemviri de quorum officiis seqq. versic.

Moguntinensis, Trevirensis, Colonienſis,

Quilibet Imperiſſit Cancellarius horum,

Et Palatinus, Dapifer, Sax. Portitor Enſis,

Marchio prepoſitus Camera, Pincerna Bohemus,

Hi ſtatuant Dominum eundem per ſecula ſummum.

Hodie autem vi Inſtrum: Pacis art. 4. verſ. & primum ſunt Octoviri, partim Eccleſiaſtici; Partim ſeculares. Eccleſiaſtici ſunt tres Primus eſt Moguntinus, qui per Germaniam eſt Archicancellarius & duplex cuſtodit Archivum, tam in aulâ ſuâ quam in Camerâ Imperiali; 2. Eſt Decanus Collegii Electoralis, qui mortuo Imperatore, intra meſem cæteris Electoribus omnibus literis denūciat, ut intra tres meſes à certo & expreſſo die, quo literæ redditæ Francofurti conveniant, de novoque Imperatore deliberent, aut miſſos cum ſufficienti mandato legatos præſinito tempore præſto eſſe jubeant. A. B. Tit. 1. §. cum autem. Comparantibus formam juramenti dare A. B. Tit. 2. in pr. & in electione Regis Rom. Colectorum vota perquirere, & tandem ultimo rogatus ſuum promerere debet: Illius inſigne eſt rota, quo Willechiſus, utpote patre Rhedario natus, primum uſus eſt. Secundus eſt Trevirensis. Archicancellarius per Galliam & Regnum Arelatenſe, ſed forſan tantum nomine, non re, cum tota Gallia ab Imperio exempta ſit, hic primum in Electione votum habet, ſedet etiam oppoſito verſus imperatoris faciem; Tertius eſt Colonienſis, Archicancellarius per Italiam, habet votum ſecundum in electione, ſedet ad dextram Imperatoris laſus tum intra tum extra provinciam ſuam &c. Coronam Imponit Imperatori Romano; ſi coronatio ſit in diœceſi ſua: vid. Conring. in tract. de aſſertione juris Moguntini in Coronandis Regibus Romanis; habent hi tres Electores jus de non appellando per A. B. Tit. 11. in pr.

non

non obstat quod contrario usu amiserint; n. jus illud non potest tolli nisi etiam illa moralis facultas tollatur in solidum; & licet non habeant actu secundo, habent tamen actu primo illud jus, & possent, si velint & expediret illud renovare rursus. Et habent hi jus votandi & eligendi licet nondum acceperint pallium à Pontifice, hoc enim non faciunt, quatenus Archiepiscopi, sed quatenus Principes Imperii Romani, in quibus nulum jus competit Pontifici. Hoc etiam his Electoribus commune est, quod si quid contra Imperatorem peccent vel committant, Regalibus quidem, quæ ab Imperio tenent priventur, non autem ordinaria banni pœna, uti seculares, afficiuntur. *Lamn. 7. p. lib. 3. c. 3. n. 56.*

§. 15. Seculares sunt Quinque 1. Rex Bohemiæ qui Pincerna est Imperatoris; proindeque in celebratione Imperialis curiæ primum potum tenetur Imperatori porrigere, non tamen sub corona Regali, nisi libera voluntate *A. B. c. 4. §. 4.* secundus Dux Bavarix, qui ad dextrum Imperatoris latus sedet, gestat, pomum Imperiale estque Imperii dapifer, & in solemnibus Curiis, quatuor scutellas argenteas, cibis repletas, reponit in mensam, ante Imperatorem. Tertius est Dux Saxonix, qui est Imperii Archimareschallus *A. B. c. 4. §. 2.* habetque sub se hæreditarium Imperii Mareschallum Papenheimium; In comitiis atque processionibus Imperialibus gladium Imperialem seu regalem evaginatum Imperatori præfert, in peculiaris Majestatis symbolum. Et vacante Imperio est vicarius ejusdem: Quartus, Brandenburgensis Marchio, qui est Imperii Archicamerarius; in processionibus Imperialibus deferret sceptrum, consistens à latere sinistro Ducis Saxonix; porrigitque Imperatori aquam manibus ablucendis; quintus & ultimus est Palatinus Rheni, qui in Imperio Archithesaurarii officium sustinet; vid: plurib. *Lamn. A. B. lib. 3. de Electorib.* hi autem singuli tam Ecclesiastici quam seculares, virtute Principatuum suorum sunt legitimi Electores. *A. B. T. 7.* Hinc si quis illorum provinciam quam regit Electoralem legitimo jure ac titulo acquisiverit; eligendi Cæsaris, aut Roman: Regis potestatem obtinet, licet à Cæsare nondum sit investitus, jus enim

enim ut dictum non simpliciter persone inhæret, sed demum, quatenus Electoralem ditionem legitime obtinet neque sola investitura facit Electorem nec jura Electoralia confert, sed saltem declarat & confirmat Electorem illiusque jura, *Nob. Dn. Pres. in dist. adjuspub. lib. 2. c. 1.* Hic quidam asserunt, quasi potestatem eligendi Electores haberent à Pontifice, & asserunt *Capit. Venerabilem 34. extr. de Elect. & Elect. potest.* Verum hoc nihil probat, cum sit testimonium domesticum, nec Pontifex ullum habeat jus in Imperium, non enim Resp. est in Ecclesia, sed potius inversa vice, hinc quod quis non habet, alteri concedere non potest; nec fit mentio Pontificis in A. B. Habent autem hi Electores insignia jura ac privilegia, & alligata est hæc dignitas Electoralis jure successionis Electoribus secularibus ita, ut patre mortuo, illa transeat ad hæredes, vel descendentes, vel ad agnatos. Descendentium autem nomine hic veniunt, primogenitus, qui simul atque in lucem editus est, jus illud successionis adipiscitur, & omnes illi à primo semper acquirente prognati, at non promiscue, sed ordine genitura, veluti si primogenitus sine liberis decesserit, secundogenitus, & si hic sine liberis, tertio genitus &c. admittitur. *vi A. B. T. 7.* etsi etiam primogenitus decedat nondum acquisito Electoratu, & relinquat hæredem post se, tamen ille etiam legitime succedit *Muth. Steph. de jurisd. lib. 2. p. 1. c. 5.* si autem nulli inter descendentes adsunt hæredes, tunc Electoratus devolvitur ad agnatos; &c. Hinc valdè aberrant illi, qui Episcopo Bambergensi, Henricum Imp: jus conferendorum Electoratum tribuisse dicunt; hoc quidam concedunt, Electores à dicto Episcopo in feuda accipere Archipencernæ, Archimareschalli &c. officia, quod tamen jus accepisse Episcopum negat *Knich. de privil. Saxon. Elect. cap. 10.* Hic illam quæstionem asserre lubet; an Unus Elector possit simul duos tenere Electoratus; quod affirmamus; non obstante illo, quod sic numerus Electorum violetur, & sic pauciores essent Electores quam Octo: n. tot etiam sunt, licet non in individuo, attamen ratione potestatis & officii, cum una persona representet duas in votando, juxta vim & virtutem Electo-

ratum, insimulque duo habet vota; At dicis; quod si unus duo habet vota; facile collegarum vota potest oppugnare. R. Juramentum illum stringit, quod przstitit, hinc hoc non potest facere, & si hoc vellet, etiam posset, si unum tantum Electorum possideret.

§. 16. Si vero moritur Elector relicto primogenito impubere, tunc eo casu propter imbecillitatem & inconstantiam, ad administrationem non admittitur, sed tutores illi adiunguntur Proximi adgnati, veluti patruus, aut alius qui proximus est d. 1. 7. A. B. quod adeo obtinet, ut nec pater Elector in Testamento alios tutores vel contutores constituere possit ut vult *Math. Steph. dist. loc.* adepta tamen legitima etate, quod in A. B. 18. annis completis circumscribitur, successor legitimus sit, & jus, vocem, potestatem & omnia ab ipsis dependentia tutor totaliter cum officio tenetur assignare d. 1. 7. Cum Bohemiarum Rege aliter se res habere videtur, uti apparet ex electione Caroli V. cui Proceres Regni, Rege minorenni, suffragium dederunt. *Goldast. Politisch Reichs Handlung part. 2. p. 29.* uti etiam cum Ecclesiasticis Electoribus, qui decedentes capitulo resignant, à quo alius in vacantis locum eligitur, qui tamen ita electus, promissa fidelitate, regalia ab Imperatore impetrare tenetur, quibus, ut supra dictum, privatur rursus, si quid contra Imperatorem deliquerit.

§. 17. Alia insuper jura ac privilegia sunt Electorum, quibus de multa egregie constituta leguntur in Antea Bulla. Sic vacante Imperio Romano, incumbit Electori Bavarie nec non Electori Saxonie tanquam vicariis, ut vices Imperatoris Rom. in omnibus & per omnia sustineant A. B. lit. 3. exceptis feudis Regalibus, quorum investitura & collatio Imperatori futuro, vel Regi Romanorum specialiter reservatur; illud tamen hodie inter Palatinum Rheni & Bavarum contrahitur; sic Imperator ipse olim coram Comite Palatino Electore stare & respondere tenebatur, quippe qui illius iudex A. B. lit. 5. non autem in omnibus causis, excipiuntur enim 1. causæ criminales, v. e. depositionis, quod spectat ad totum collegium Electorale. 2. causæ feudales, quæ itidem ad Palatinum

tinum non spectant; Porro illis concessum est habere auri, argenti aliorumque metallorum fodinas, monetam auream cudere, judæos recipere, jus liberum circa religionem, quæ omnia ferme ad Regalia pertinent, habentque hanc prærogativam, quæ peculiariter illis concessa est, ut absque specialis veniæ impetratione, pro salute & incolumitate Imperii Germanici conventus indicere possint *A. B. T. 12* quæ etiam hætenus rite observata fuit; Competit etiam omnibus jus de non appellando, licet nonnulli illud non exerceant per dicta superius. Et insigniuntur ab Imperatore variis titulis, honorariis, de quibus *vid. Petr. Heig. part. 1. quest. 4.* Tandem committitur etiam in illos crimen Majestatis, quatenus repræsentant corpus Imperii mysticum & quæ sunt alia plura privilegia & jura illis competentia, de quibus prolixè Limnæus & alii.

§. 18. In secunda Classe sunt Principes, sumto vocabulo in generali significato; quibus annumerantur etiam Comites, Barones, Abbates, Prælati &c. ut jam dictum: in specie autem alius deinde dicitur, Dux, Marchio, Landgravius &c. quæ nomina ab initio non perpetua & hæreditaria, ut hodie, fuerunt, sed tantum temporaria, & ad nutum removibilia; ut loquuntur, muneris & administrationis, imo officiorum nomina. Donec tandem à Carolo Magno; vel ut alii volunt ab Othone 1. istæ dignitates perpetuæ & hæreditariæ factæ, hucusque perduravere. Tantis autem hodie privilegiis, libertatibus & prærogativis præditi sunt Principes Imperii, ut alios aliorum Regnorum Procures longe superent & hinc exteræ Gentes discant, quam maxima sit Imperii ac Imperatoris Rom. Germ. Majestas, quantave eorum potentia, quod & Carolus V. innuit, quando se in Germania Regibus imperare profitetur; Landgravius etiam Hassiæ Imperium Germ. liberum esse dicit apud *Hordleder. de caus. bell. Germ. lib. 4. c. 5. Deutsche nation ist ein freies Reich und bittlich daß freieste auff der Welt. Limn. 7. P. lib. 4. cap. 8. numer. 1.* quæ sane libertas antiquissima est, quod & Tacitus de moribus Germ. c. 7. p. 114. testatur, quando dicit: Nec Regibus infinita & libera potestas

est, & Duces exemplo potius quam Imperio præfunt, & alio in loco Germanorum libertatem Arsacis Regno acriorem esse perhibet; Eadem libertas translato ad Germanos Imperio à Carolo M. & aliis perduravit hucusque, imo magis revivuit, cum veteranis militibus de Romano Germ. Imperio bene meritis Territoria & certos districtus cum dignitate Ducali ac majoribus Regalibus liberalissime concesserint, ac in Imperii consortium assumerint *Besold. de jurisd. Imp. Rom. cap. 16. in fin.* Hinc etiam illud decantatissimum promanavit, quod quilibet Princeps Imperii in suo territorio tantum possit, quantum Imperator in Imperio, quod ipsum Imperatorem in suo territorio propter regalium investituram repræsentet, quodque vicem Imperatoris obtineat, eique in territorio suo æquiparetur: quoad jurisdictionem territorialem habito respectu ad subditos, quidam concedunt, multos in Imperio esse Cæsares Limn. & alii, cum Imperii status in suo territorio summa vi polleant, liberamque ac ferè Regiam potestatem habeant; quoad Majestatem autem & regalia tantum unicum esse Cæsarem utut juri Majestatis communicatio Principibus Imperii facta sit, illa enim ita ab eodem Imperatore dispensata est, ut semper intacta maneant reservata & Majestas illius *R. J. de an. 1573. §. der durch 7.*

§. 19. Libertates autem, jura, & privilegia Principum, consistunt partim in administratione totius Imperii Romani, quippe, quod illi vocentur ad Comitia Imperii, ibique votum & sessionem habeant, eisque intersint, non solum ut Consiliarii, sed tanquam Principales, & cum Imperatore, vel eo defuncto soli de Imperii summa deliberent ac statuant. *R. J. de an. 1548. §. wo aber Math. Steph. lib. 2. p. 1 c. 7. n. 1. de jurisd.* in quibus etiam liberrime agunt neminemque nisi Deum superiorem agnoscunt. Partim autem in rebus ditionum suarum quas possident; & ad hæredes una cum dignitate Regali transmittere possunt, quæ vero transmissio inter illos diversa est, fit enim ut in quibusdam Ducatibus solus primogenitus succedat; quales sunt Electoratus, Ducatus Wirtembergenfis &c. quædam autem familiæ, Ducatus aut Principatus cum fratribus

bus æqualiter dividunt, ut factum in familia Saxonica, & adhuc plerumque in Comitatibus & Dynastiis fit; quædam familiæ in defectu Masculorum, filias ad ditiones transmittunt; ut Austriacæ familiæ, quibus singulari privilegio concessum est, ut nullo existente masculo hærede, Archiducatus devolvatur ad seniore[m] filiam; Comitatus Mombelgardensis & Tecensis, denique ex defectu legitimorum hæredum, ex pacto confraternitatis, ut supra etiam dictum, succedunt. Sic concessum est Principibus Imperii & omni jure licitum, ad conservandam pacem publicam, ac pro defensione corporis ac bonorum, cum quis timet se spoliatum iri, inter sese fœdera pangere *A. B. tit. 15. R. J. August. 1529.* in omni autem consæderatione exceptum habeant Imperium & Imperatorem, etiam si illius nulla fiat mentio, quod tamen tutius esse videtur. si Imperator expressè excipitur ad evitandas malas & odiosas interpretationes *Limn. lib. 4. c. 8. n. 25.* hodie etiam per Instrumentum pacis Ornabrug: illorum potestas de fœderibus confirmata est. Hoc etiam singulari jure gaudent ab antiquo, ut liberè per Legatos tam in Imperio quam extra Imperium agere, eosque mittere & recipere possint, quod jus Principibus tam Ecclesiasticis, quam secularibus competit sive sint Duces, Marchiones, sive sint Comites Imperii &c. Reinking. *de R. S. & E. lib. 1. Class. 5. c. 6.* Sic habent jus liberum circa religionem, quod præcipuum illorum Regale est, & post pacem religiosam Augustæ *de an. 1555.* & transactionem passaviensem & novissimè per Instrum. pac. firmatum, cujus virtute tam Augustanz, quam catholicæ religionis publicum in suis territoriis exercitium possunt habere. Et quod omnium primum est, & instar omnium unicum Territorialis jurisdictio, die *Landesfürstliche Obrigkeit* quæ, quoniam nec usu juris cognita, nec legibus Civilibus definita, sed solis moribus Imperii Rom: Germ. introducta existit, ideo cognitum difficilis est, & variè à variis accipitur. Nos dicimus quod sit potestas majestatica Principibus ratione territorii immediati competens, in omnes subditos proprio & pleno jure; *Nob. Dn, Pres. in colleg. Jurisp.* Hujus vigore omnes res ac bona intra fines territorii sita Domino territorii

subjiciuntur; 1. quoad jurisdictionem, quam quilibet Princeps exercet. 2. quoad proprietatem; vindicat enim sibi Princeps & territorii Dominus omnia Regalia; tam Majestatis quam fisci, in suis territoriis jure proprietatis *Reinking. de R. S. & E. lib. 1. Clas. 5. c. 3. n. 16.* Hinc leges provinciales & statuta promulgare potest juri etiam communi contraria *Kinch. de Jur. territ. c. 1. n. 79.* quæ tanti valoris sunt, ut etiam in causarum decisionem inter provinciales, Camera Imperialis secundum eas pronunciare debeat. *Ordin. Camer. part. 1. tit. 56.* nisi specialiter sanctione Imperatoris & Imperii fuerit ex illis aliqua abrogata; aut si sunt contra publicas Imperii leges communi Principum & statuum suffragio latas, aut quæ publicam Imperii utilitatem tangunt, hæc autem potestate condendi jura provincialia ita plerumque utuntur Principes, ut in conventibus provincialibus consensum statuum provincialium de *Landstände* adhibeant *Limn. alleg. loc.* his annumerantur, publicatio edictorum, Mandatorum & inhibitionum, quæ etiam vim legis localis habent, iisdemve subditi aliæ in territorio existentes obedire tenentur. *Matth. Steph. de jurisd. lib. 2. p. 1. c. 7. num. 350.* Constitutio ulnarum, ponderum, & mensurarum: curare enim Princeps debet, ut sub justa mensura & pondere, commercia in Universo territorio exercentur quo incautorum contrahentium deceptio evitetur. Ulterius, possunt Dicasteria provincialia & scabinatus erigere, ut totius provinciarum appellationes eo devolvantur; habent quoque jus non tantum jurisdictionem inferiorem seu Civilem, sed etiam superiorem seu criminalem exercendi. Possunt insuper in suis territoriis Gymnasia, uti vocant, instituire, quæ ab Academiis multum differunt, & inter eas ac triviales scholas intermedium obtinent locum, in his lectiones quidem & exercitia studiosorum sunt publica, at nulla honorum gradualium collatio, hæc enim à summi Principis, ut supra dictum, dependent privilegio, non à jure territorii: huc etiam alia multa referri possint, quæ Principum potestatem Politicam concernunt, illisque ratione territorii aut ex privilegio, aut alio jure concessa sunt, at, instituti ratio non permittit; vid. interim prolix. de his *Reinking. Kinchen, Limnaus & alij*

§. 10. Tertiā classem tenent Civitatē liberæ Imperiales dic freye Reichsstadt. dicuntur autem illæ liberæ, non quod omnimodam libertatem & immunitatem habeant, & ab Imperatoris atque Imperii jurisdictione exemptæ sint, sed quod ab Electorum, Principum & aliorum statuum Imperii exactione immunes habeantur; *Paurmeist. de jurisdic. lib. 2. c. ult.* quo sensu differunt à civitatibus Municipalibus, quippe quæ aliis Principibus & statibus sunt subditæ; Velez liberæ sunt secundum Alciatum in *h. c. c. ferri. iii. de V. S.* quæ quidem Imperatoris fastigium libenter agnoscunt, tributis tamen se atteri; violentia urgeri & opprimi non patiuntur, quæ pensionibus quibusdā certis & definitis Imperii auctoritatem recognoscunt, cæterum ipsæ suis ferè moribus ac Magistratibus gubernantur neque tam student territorio amplificando, quam libertati suæ conservandæ, *hæc ille*; Imperiales vero dicuntur, quod Imperatori & Imperio immediatè pareant & subditæ sint. *Limn. 7. P. lib. 7. c. 1. n. 32.* hodie autem eo devenit ut vox Imperii (Reichs) non de subjectione, sed potius de dignitate status Imperii intelligatur. Et civitates liberæ Imperiales hodie dicuntur illæ, quæ Imperatori & Imperio Rom. Germ. immediatè subditæ, in catalogum Imperii inscriptæ, secundum matriculam Imperii certam summam contribuant, & in Comitibus eorum & sessionem obtinent. *Paurmeist. d. l.* quando autem & quomodo immediatæ hæ civitates in Imperio caperint, vix certe determinari. nominatimque dici poterit, eum latenter incrementa sumserint, & juxta Senecam crevisse apparuerint, non crescere. Hoc quidem constat, quod quædam temporibus interregnorum & dissidiorum intestinorum immunitatem hanc adeptæ sint, quædam etiam pecuniæ interventu ex statuum aliorum potestate evaserint, & liberæ Imperiales ita factæ sint, ut nullo unquam postliminio ad veterem Dominum revertantur. *Limn. d. l.* quædam etiam spontaneo motu, salvâ, quâ antea præditæ, libertate, ad Imperium accesserunt, quædam ab Imperatoribus de novo conditæ fuerunt, qui etiam villas in urbes transmutarunt, exemplo sunt Eslinga, Reutlinga. & Heilpronna, quæ ab Imperatore Friderico I. Sveciæ Duci,

Duci, muris circumdatæ & in oppida transversæ fuerunt. & Schman. in Chron. spirens. lib. 4. c. 8. fol. 286. quædam aliis modis & pactis à statuum potestate se vindicarunt; Ut autem variis hisce mediis tractu temporis crevit numerus civitatum istarum. ita postea variis ex causis decrevit, ut ad numerum priorem si respicias, hodiernus cum illo collatus perquam sit exiguus. *Limn. alleg. loco* de quo numero etiam variant nonnulli & 66. numerant. nonnulli 84. sed res aliter se habet, tot sunt potissimum civitates liberæ Imperiales, quot hodie ad Comititia vocantur, quotque rescripserunt Recessibus, vel aliis publicis Imperii legibus.

§. 21. Vulgo etiam differentiam ponunt inter has Civitates, quod quædam tantum dicantur simpliciter Imperiales, quædam vero liberæ Imperiales; prioris generis putant esse illas, quæ aquilam integram, vel partem illius in insigniis habent, posterioris generis autem, quæ olim sub jugo Episcoporum fuerunt, postea vero se ipsas interveniente pecuniâ vel aliis modis in libertatem vindicarunt. Alii in eo differentiam ponunt, & discriminis causam assignant, quod propriè liberæ Imperiales civitates vocentur, quæ à Cæsaribus conditæ fuerint, & quæ semper & ab ævo neminem nisi Imperatorem superiorem recognoverint, simpliciter vero Imperiales, quæ quidem antea aliis subiectæ, postea vero exemptæ & Imperio immediatè conventionibus intervenientibus subiectæ fuerint; alii alias constituunt differentias. Verum frustra, nulla enim realis & vera differentia est inter illas civitates, quia habent libertatem æqualem & omnibus eodem sensu competit; in Recessibus etiam Imperii promiscue sumuntur & ponuntur, quamvis nonnullæ aliis sint splendidiore, vel opibus, vel subditis, vel privilegiis, ac alias dignior & præferendus is censetur; qui potentior est atque ditior altero, attamen hoc non procedit quoad civitates Imperiales, utpote inter quas nulla est differentia, nec una altera major vel superior habetur, sed omnes unò eodemque dignitatis & immediatæ subjectionis jure gaudent; magis & minus enim non mutant speciem, nec diversam constituunt speciem. Nec civitates

tates in Comitibus secundum splendorem, magnitudinem, diviti-
as, privilegiorum multitudinem &c. votum & sessionem habent,
sed juxta ordinem & morem antiquitus observatum, nec aliæ
præ aliis in votis & aliis actibus ullam prærogativam habent,
nisi quoad ordinem & præcedentiam. Non obstat, quod Ham-
burgum, Brunsviga, Luneburgum &c. sint civitates Libe-
ræ sed non Imperiales; Resp. enim quod multi hoc negent,
& hodie non ita nominentur, nec ab Imperatore, vel aliis sta-
tibus pro talibus habeantur, accedit quod homagium præ-
stent, quod subjectionis nota est, per ea quæ habentur in *Instr.*
Pacis Osnabrug. art. 11. vers. Interea.

§. 22. Cæterum harum Civitatum Imperialium præ
cæteris excellentiam & splendorem communem partim titu-
li, & encomia, partim jura & prærogativæ commendant. Ad
Titulos & Encomia spectat 1. quod dicantur sanctæ ab Im-
peratore Sigismundo *Goldast. in reformat. Polit. c. 10. p. 191.* 2.
quod dicantur Nobiles, & nobilia Sacri Imperii Rom. mem-
bra, in diplomatis & privilegiis Cæsarum. *Pærmeyss. lib. 2. c. 2.*
Johan. Lymn. lib. 7. c. 1. n. 41. 3. quod illustres dicantur Res-
publicæ *Lymn. eod. loc.* Adjura & prærogativas pertinet 1. Quod
neminem nisi Imperatorem agnoscant superiorem; & Imperio
immediate sint subjectæ; quod respectu civium collectivè sum-
torum verum esse, non autem distributivè dicit *Reinking. de R.*
S. & E. lib. 1. c. 10. n. 28 atque in Imperialibus civitatibus cives,
licet ipsa civitas immediate Imperium recognoscat, immedi-
atis non esse accensendos sed mediatis, cum Senatui tanquam
Magistratui suo pareant immediato. 2. Illis requisita & jura
statuum Imperii competunt, & sunt veri status, id quod ma-
tricula abunde probat, vocantur insuper ad Comitatus, ibique
votum & sessionem habent. Inter has autem civitates in Co-
mitibus una directorium habet, & quidem illa, in quâ Comitatus
habentur & peraguntur, aut si negotio non est sufficiens, alia
eligitur, quæ simul id laboris & honoris sustinet, & hæc quæ
directorium obeunt, nomine reliquarum Civitatum, omnes
propositiones & relationes, tam in civitatum speciali, quam
generali statuum concilio expediunt, conclusa & consulta in
chartam conjiciunt, publice legunt, & à reliquis civitatibus

monita, vel corrigunt vel addunt, & sunt divisæ hæ civitates in duo latera sive scamna, Rhenense & Svevicum, & secundum illa sessionem habent in Comitiiis, vtræque sua singulæ proponunt civitates, alternis scamnorum vicibus, quæ directores requirunt & colligunt, ultimo loco sua quoque adjicientes, & quod per majora placuerit & conclusum, exponitur. Omnia autem illorum acta in duo reconduntur Archiva, unum quod Spire conservatur, & est Rhenensium Civitatum, alterum Ulmæ est, in quo Svevici scamni acta reservantur; ex quibus, tanquã locis publicis & authenticis, necessitate postulante, instructio desumitur; habent etiam illæ civitates votum in Comitiiis non tantum consultativum, sed etiam decisivum; quod posterius multi illis denegarunt, sed illorum sententia est erronea & refutatur fusissimè in nup. *Instrumento Pacis Osnabrug. art. 8. vers. tamen in universali*, ubi illis aperte conceditur votum non solum consultativum sed & decisivum: sed quid si Civitates hæ dissentiant voto ab aliis statibus, quæritur an illud relationi etiam ad Casarem inferendum sit? hoc illis in nuperis Comitiiis de an. 1641. Ratisponæ habitis denegarunt, sed cum civitates instarent & alternative agerent, ut si illud non fieret, saltem votum ad Comitiorum acta reponeretur, Electoribus & statibus illud placuit, & concesserunt. *Nob. Dn. Pres. in dictat. Jurispub. lib. 1. c. 4. §. 14.*

§. 23. Habent porro 3. in suo districtu territorialem jurisdictionem & superioritatem; per *d. art. 8. Hist. pac.* cum enim sint status Imperii, suaque territoria immediatè ab Imperatore tanquam status teneant, meritò illis tribuenda est summa coherrentia territorii, & hoc probant serè singuli actus & species ejusdem, habent autem jurisdictionem omnimodam, & quidem eam, quam olim Imperatores per præfectos exercere solebant, tam quoad personas, quam causas, non autem illam exercent nomine alieno, seu administrationis, sed nomine proprio, sicuti reliqui status & territoriorum Domini jure territorii, utpote cui omnimoda adhæret jurisdictio. Et jure Magistratus *arg. l. 1. in pr. vers. que vero ff. de offic. ejus, cui mand. est jurisd.* ad hoc enim constitutus est Magistratus ut jus dicat *l. 2. §. 13. de O. J.* & quamvis olim jurisdictio tantum civilis &

non

non criminalis jure Magistratus competierit, de consuetudine
tamen hodierna secus est, & non tantum civilis sed etiam cri-
minalis jurisdictio officii seu Magistratus jure competit; We-
semb. paratit. ff. de jurisd. n. 11. 4. Competit illis jus circa re-
ligionem sicuti & reliquis statibus, cujus vigore religionem
mutare & Veterem catholicam vel Augustanam confessionem
introducere, aliosque actus connexos juris Episcopalis exer-
cere possunt per pacem Relig. August. de an. 1555. transact. pas-
saviens. & Instrum. pacis art. 5. vers. 11. quod tamen limitatio-
nem suscipere videtur, per ea quæ habentur indict. pacificat. 5.
Nachdem aber in his civitatibus, ubi utriusque religionis cives
suam religionem, quam antea exercuerunt, exercere parati
sunt, quod si vero utraque pars in unam sive Catholicam sive
protestantium, consentiant religionem, constitutioni huic
contrarium non est, si alterutra religionum tollatur. Limn.
alleg. loc. Possunt 5. vigore hujus superioritatis statuta & le-
ges municipales condere in suis civitatibus, territoriis & di-
tionibus, quibus cives & subditi obedire tenentur etiamsi sint
contra communia jura, Policen Ordnung de an. 1577. tit. von
den Jüden / quod & nominatim concessum est à Carolo IV.
anno 1375. Civitati Eslingensi, ut pro lubitu & beneplacito
suo Leges & statuta condere possit. 6. Conventus & dietas
habere illis permissum est; sunt autem hi conventus, vel uni-
versales, vel circulares, vel deputatorum, vel convocantium
der außschreibende Städte. Universales sunt, quando omnes
& singulæ Civitates Imperiales omnium circulatorum simul
conveniunt & de rebus causisq; communibus ad totum Civita-
tum collegium spectantibus deliberant. Circulares conven-
tus sunt ubi tantum unius circuli civitates convocantur, & de
rebus specialiter ad easdem pertinentibus consultant. De-
putatorum conventus sunt, quando illæ civitates tantum, quæ
ad hoc specialiter sunt deputatæ, vel earum Legati conveni-
unt, & de rebus communibus consultant, quod tum maxime
fieri solet, quando periculum est in mora, vel quando res non
est adeo magni momenti, ut propterea omnes convocari ne-
cessum sit: Sunt autem deputatæ civitates duodecim, sex ex
scamno Rhenensi, & sex ex scamno Svecico. Convocantium
civi-

Civitatum conventus sunt, ubi quatuor tantum illarum conveniunt, ut Argentoratum, Norimberga, Francofurtum & Ulma, vel earum Legati, & de rebus quibusdam ad totum collegium pertinentibus consultant. *Math. Str. ph. de jurid. lib. 2. p. 2. c. 1. §. 7.* possunt inter se, & cum aliis inire fœdera & societates *A. B. tit. 15.* posterioris exemplum est fœdus Suevicum, cui multæ simul junctæ cum Principibus erant Civitates, Fœdus Norimbergenfium cum Episcopo Herbipolenfi & Bambergenfi, contra Albertum Marchionem Brandenburgicum. prioris, præter alia exempla, est fœdus Hanseaticum, de quo multa *Limn. d. loc.* Plura annectenda essent jura & privilegia his Civitatibus competentia, Verum cum instituti & temporis ratio non permittat, hæc pauca hâc vice sufficiant. Interim B. L. si quid humani passus sum, veniam à te præstolor, & peto cum omnium memoriam habere & penitus in nullo peccare, divinitatis magis quàm mortalitatis sit *l. 2. §. 14. C. de V. J. E.* Et cum primis Cand. Lect. rogo, quò nò una errata, quæ properantiâ & incuria Typothetæ remansêre, haut gravatim emendare velit.

DEO SIT GLORIA.

Non hic compedibus Te deliciosa Vacuna
Illigat, at cupidus disquiris agona Themistos.
Testis adest! Tua mens hunc evigilavit alacri
Discursum studio. Prensando fortiter iusta.
Me Sponsore Tibi sic Niceteria confert
Nostra Themis, poteris tandem sic fulgere ab Ostro.

Per - Eximio Dn. Autori gratul.

JOHANN: VOLK, Bechmann / J. U. D.
& Prof. Publ. Ordin.

Sic superis semper perstat Mens certa! Laboret
Qui juga Virtutis scandere celsa cupit.
Hoc Tu maturè, prudenter, mente volutans,
De Statu Imperii Lemmata docta seris,
Pergas his captis; quò Te, velut umbra, sequantur
Quæ Patrium spondet præmia clara Forum.

Peregrinio Dn. Respondenti, amico & inquilino suo
suo dilecto amicè grat.

HIERONYMUS Mühlpsfort / J. U. D. Cur. Provinc.
Sax. Advocat. Ord. & Consil. Hoenloic.

